

贈丹陽

四般假合終歸土一箇真靈直上天不滅不生超達去無為無漏大羅仙

丹陽繼韻

傳得無為無漏果何愁無分不昇天三田清淨三丹結出自風仙決做仙

心月照雲溪俗慕山溪

一身之內二物成真實著意辯三才列四象五行化造六賊門外七魄莫狂遊八卦定九宮通功行十分到十分修鍊九轉成芝草八位上仙知救七祖遠離六道五年功滿四大離凡塵二道藏輯要

重陽教化集

七 丹集二

清路二童邀抱一歸蓬島

丹陽繼韻

一心離俗二氣調和寶清淨聚三光四時花五方運造斷除六慾不使七情牽持八戒九關通十載功須到十年鍛鍊九變金光草八脈總和勻有七聖六丁助道五行咄出四假不中留禮三清成不二一性投仙島

心月照雲溪

一身得得好把逍遙做莫戀色和財又名利榮華不顧心中逸樂管取絕憂愁處清涼無熱惱事事成開悟任行任住坐卧皆從所玉訣與金科這兩般頻頻覽覩玄機密妙訣許自陳明結

圓成攢瑩玉捧入長生路

丹陽繼韻

我今得遇便向難中做決要脫家緣細尋思不堪迴顧黜妻屏
子絕利更忘名離去聲鄉關歸物外稱箇超然悟馬猿捉住修葺
真園所豈敢戀寃親要龜蛇時時厮覷援平聲其性命出自太原
公掌元初成圓相踏碎根源路

心月照雲溪

無常二字說破教賢怕百歲受區區細思量一場空話耽他火
院剛恁苦熬煎早收心採黃芽藥就難酬價居山寂靜悄悄實
瀟灑斷念去貪嗔把意馬心猿繫下神清澄淨一點鎮長明無
道藏輯要 重陽教化集 八 胃集二
為裏作功成不許誇釘詐

丹陽繼韻

死生生死鎮日常驚怕忽爾遇風仙便說開些兒妙話忻然頓
覺猛烈棄家緣向無中做經營烹鍊丹無價投真得趣自是增
惺酒方寸要清涼把塵緣般般放下頤神養氣心月照雲溪處
無私憑真實無諂亦無詐

黃鶴洞中仙

俗明馬卜算子

正被離家遠衰草寒烟染水隔孤村兩三家你不牽上他馬獨
立沙汀岸叫得船離岸舉棹波如練漁叟停船問行人你不牽
上他馬月照江心晚